

獄播斥海外不可以不戒也曰孔子曰邦有道危言危行
邦無道危行言孫故克有誹謗之木而秦有偶語之戮亂
世之詞治世之所與也得言而不言是土瓦木石之徒也
王子生

聖明之時而敢違孔子之訓而自比於土瓦木石也耶括
蒼劉基伯溫序



王冕傳

王冕者諸暨人七八歲時父命牧牛隴上竊入學舍聽諸生誦書聽已輒默記暮歸忘其牛或牽牛來責蹊田父怒撻之已而復如初母曰兒癡如此曷不聽其所為冕曰去依僧寺以居夜潛出坐佛膝上執策映長明燈讀之琅々達旦佛像多土偶穉惡可怖冕小兒恬若不見安陽韓性聞而異之錄為弟子學遂為通儒性卒門人事冕如事性時冕父已卒即迎母入越城就養父之母思還故里冕買牛駕母車自被古冠服隨車後鄉里小兒競遮道訕笑

亦笑著作郎李孝光欲薦之為府吏冕罵曰吾有田可
耕有書可讀宵朝夕抱案立庭下僦奴使哉每居小樓上
客至僮入報命之登乃登部使者行郡坐馬上求見拒之
去不百武冕倚樓長嘯使者聞之慚冕屢應進士舉不
中歎曰此童子羞為者吾可溺是哉竟棄去買舟下東吳
渡大江入淮楚歷覽名山川或遇竒才俠客談古豪傑事
即呼酒共飲慷慨悲吟人斥為狂奴北游燕都館秘書卿
秦不花家秦不花薦以館職冕曰公誠愚人哉不滿十年
此中狐兔游矣何以祿仕為即日將南轅會其友武林盧

生死灤陽唯兩幼女一童留燕俵無所依冕知之不遠
千里走灤陽取生遺骨且挈二女還生家冕既歸越復大
言天下將亂時海內無事或斥冕為妄冕曰妄人非我誰
當為妄哉乃攜妻孥隱於九里山種苴三畝粟倍之樹梅
花千桃杏居其中芋一區薤韭各百本引水為池種魚千
餘頭結茅廬三間自題為梅花屋嘗做周禮著書一卷坐
卧自隱秘不使人觀更深人寂輒挑燈朗諷既而撫卷曰
吾未即死持此以遇明主伊呂事業不難致也當風日佳
行操觚賦詩千百言不休皆鵬塞海怒讀者毛髮為聳人

三不為賓主禮清談竟日不倦食至則食都不必辭謝善
畫梅不減揚補之求者肩背相望以繒幅短長為得米之
差人譏之冕曰吾藉是以養口體豈好為人家作畫師哉
未幾汝穎兵起一一如冕言 皇帝取婺州將攻越物色
得冕寘幕府授以諮議參軍一夕以病死冕狀貌魁偉美
鬚髯磊落有大志不得少試以死君子惜之 史官曰予
受學城南時見孟竄言越有狂生當天大雪赤足上潛嶽
峰四顧大呼曰遍天地間皆白玉合成使人心膽澄澈便
欲僊去及入城戴大帽如篲穿曳地袍翻々行兩袂軒翥

譁笑溢市中予甚疑其人訪識者問之即冕也冕真恠民
哉馬不受音奉駕不足以見其竒才冕亦是類夫金華宋漁
傳

王冕傳

王冕字元章紹興諸暨人也父力農冕為田家子少即好
學長七尺餘儀觀甚偉鬚髯若神通春秋諸傳嘗一試進
士舉不第即焚所為文益讀古兵法有當世大略着高簷
帽被綠蓑衣履長齒木屐擊木劔行歌會稽市或騎黃牛
持漢書以讀人或以為狂生同里黃公止善甚愛重之為
拜其母王後為江浙檢校往君謁衣弊履不完足指踐地
王公深念遺草履一鞞諷使就史祿君笑不言置其履而
歸會稽依浮屠廡下教授弟子倚壁度土釜爨以為養

或遺之不受也時高郵申屠公駟新任紹興理官過武林問交於王公曰越多傳先君子非所敢知吾里人有王元章者其志行不求於俗公欲與語非就見不可駟至即遣吏以自通君曰我不識申屠公所問者他王先生耳謝不與見吏請不已君斥曰我處士寧與官府事毋擾乃公為也駟既重王公言且竒其為人進謁禮益恭以白於其大尹宋公子章具書幣製冠服俱造其廬以請君為之強起入黌舍講授歲餘倉他官禮待不如意乃為書謝申屠公東遊吳人雅聞君名君又善寫梅花竹石士大夫

皆爭走館下繡素山積君援筆立揮千花萬蕊成於俄頃每畫竟則自題其上皆假圖以見意為歌詩雄渾跌宕以古豪傑自居久之復遊金陵諸御史雖新貴皆加敬待遂北上燕薊縱觀居庸古北之塞主秘書卿達公兼善篆翰林諸賢爭譽薦之君題寫梅張坐間有云花園水玉菴笛吹不下來之句見者皆縮首齧舌不敢與語至正戊子南歸過吳中謂予言黃河將北流天下且大亂吾亦南棲以遂志子其勉之於是擇會稽山九里買山一頃許築草堂讀書其中服古衣冠或乘小舟扁曰浮萍軒自放于鑑湖

之曲好事者多載酒從之歲己亥君方晝卧適外寇入君
大呼曰我王元章也寇大驚重其名與君至天章寺其大
帥置君上坐再拜請事君曰今四海鼎沸爾不能進安生
民乃肆虜掠滅亡無日矣汝能為義誰敢不服汝為不義
誰則非敵越人秉義不可以犯吾寧教汝與吾父兄弟
相殺賊乎汝能聽我即改過以從善不能聽即速殺我
不與若更言也大帥復再拜終願授教明日君疾遂不起
數日以卒衆為之具棺斂之塋山陰蘭亭之側署曰王先
生墓云諸暨張辰傳

竹齋詩集

贈寫照陳肖堂

君不見鑑貌但鑑影寫貌難寫心霍光鄧禹在臺閣嚴陵
魏野居山林功名道德照千古不特肖貌傳至今固知寫
貌易寫心難狀之妍醜筆可得至理不在顏色間陳君筆
力異衆史相貌既同心亦似昨日忘機入城市草衣著我
丹青裏氣爽神清誰比擬雪霽梅花映秋水黃童白叟指
眼看此老不是儒生酸陳君陳君容我閒莫教添上貂蟬

會稽王冕元章甫著

水僊圖

寒風蕭々月入戶渺々雲飛水僊府僊人一去不知所池
館荒涼似無主江城歲晚路途阻解后相看顏色古環佩
無聲翠裳舞欲語不語情悽楚十二樓前問鸚鵡滄海桑
田眯塵土王孫不歸望湘浦芳草連天愁夜雨

棠梨白練圖

芙蓉香冷簫聲杳月淡烟清楚宮曉仙禽不語雪衣輕相
逢却恨秋風早土花翠淺霜露蒙山梨小結丹砂紅玉人

醉倒不知處夢回故苑胡雲濃

蘆花道人換被圖

高昌野人見幾早髮鬢不待秋風老脫身放浪烟水間富
貴功名盡除掃坐對漁翁交有道青綾何似蘆花好從時
拜賜蘆花人白云不讓今古貧高眠聽夢々更真白月滿
船雲滿身起來拍手波粼々欵乃撼動人間春

秋山圖

前年放船九江口秋風獵々吹蒲柳買魚沽酒待月明不
口江上青山走三更吹笛欲喚人溥々白露侵衣巾故鄉

廷書斷絕空見過雁如飛雲去年却下七里灘秋水滿
江秋月寒子陵先生釣魚處荒臺直起青雲端先生不受
漢廷官自與山水相盤桓至今高節敦廉頑清風凜凜誰
能攀泊舟登岫行復止小途分歧通草市石林掩映樹青
紅正與今年畫相似茅廬半住林木裏白狗黃鷄小如蟻
翁媪無言童穉閒可是太平風俗美清溪水落魚蟹新東
隣釀熟呼西隣相牽相把意思真親密不異朱陳民李端
筆力能巧妙寫我舊日經行到豈是老夢眩水墨不覺掀
髯發長嘯殷家大樓滄江頭留我十日風雨秋觸景感動
百樹直待雪晴水滿路騎驢相逐尋詩去

送暨陽同知

我生山野毛髮古不是多時舊巢許松根坐卧忘歲年足
跡何曾入官府雨晴忽覺草樹肥春來春去都不知耕田
鑿井亦足樂短歌長嘯隨所之溪谷無塵人事少縱有饑
寒能自保花村月夜犬不驚可是太平風俗好昨日柳花
如雪飛今日作詩何所思我詩似質朴君政從可推錦衣
翩如練拜恩應到黃金殿他年皂蓋下蓬萊更與君

侯作佳傳

感竹吟

雲溪老竹持苦節玉質蕭森出巖穴蒼々古色誰為摩凜凜清風自然別勁直不肯降雪霜瀟灑不肯棲鳳凰願殺長身載經籍要為吾道垂休光誰信囂風變滿俗紅紫紛紛亂人目遂令此君受羈束荆棘凌夷刀鋸辱青垂網葉蠹食筠野人更欲鉏其根閉塞陽和絕土脉絕之不許生兒孫東里先生有遺族午夜聞之皆痛哭擬以餘音問伯夷首陽烟雨莓苔綠嗚呼老竹老愈奇歲寒心事無人知

孤梅在溪松在壑焉能與爾論襟期飄聲夜落山陰道筠笛多情愁欲倒固知遇合各有時何必區々挂懷抱君不見窮陬荒草非所種開花猶解供王貢那有此材無此用

賈浪仙騎驢圖

雪花打帽風擾鬚寬衣破靴騎蹇驢先生自是山澤癯瘦名之傳豈為虛窮吟苦思不覺老知音幸遇韓京抵至今長安諸小兒拍手猶能為君道清聲千古在世間好詩句句誇浪仙我恨後生五百年不得抵掌談微玄形骸孤陋向巖壑竹冠草衣空卓犖披圖挹之嗟寂寞新橋流水梅

花落

對景吟

濕雲不飛山雪滿越王城頭鼓聲短
曉來溪上看梅花虎跡新移大如
挽老烏縮項如凍鷺呼羣強作嬰
兒啼紅桃翠柳眼欲迷舊時紈袴
今塗泥淮南千里無烟火淮東近
日多軍馬寸薪粒粟不論錢行客
相看淚盈把如何五陵年少即賣
田去買青樓娼吳歌楚舞不知夜
歸來也學山翁狂明朝酒醒入官
府方知不是城南杜落花風急雨
瀟瀟索莫無言面如土

太守梅花歌

草堂昨夜春風起萬樹梅花月如水
相過誰解論襟期吾州太守山東
李太守自是文章公文章政事皆從
容長身玉立冰雪胞標致政與梅花
同梅花清苦良自守不逐尋常好花
柳廣平心事祇須論太守自是調羹
手我知太守節義高混同版築非徒
勞版築乃是宰相事濟川舟楫隨時
操他日功成賦歸去溪山風月情如
故安能載酒草堂來歲寒同看梅花
樹梅花別有天真趣

題申屠子迪篆刻卷

重刻嶧山秦碑二
石於紹興路學

我昔聞諸太古初馮翊嘗、安可摸自徒危義得龍馬奇
偶變化滋圖書結繩之政由此毀科斗鳥跡紛紜起後來
大小二篆生周祢史籀秦誇李只今相去幾百年字體散
漫隨雲烟岐陽石鼓土花蝕嶧山之碑野火然縱有秦銘
刻峯石冰消雪剝無踪跡書生好學何所窺每展史編空
嘆息樊山先生東魯儒好古博雅耽成癯八分小篆純古
法鑿石置之東南隅白日光芒爭照耀滿城走看嗟神妙
向來傳寫何足珍棗木空遺後人誚徐公手摹烽火塵金
陵近刻殊失真耶如此本意態淳丞相李斯下筆新申屠

墨莊有傳授法度森嚴非苟、豈為後學得所師萬世千
秋垂不朽

題墨梅送宋太守之山東運使

大唐丞相宋廣平文章事業昭汗青心腸耿、磨鐵石賦
梅賦得梅華情嗟哉梅花太清若不與杏桃同媚媿空山
歲晚人迹稀縱有清香為誰吐蓬萊太守丞相孫愛梅亦
與梅為隣冰雪滿懷不染塵坐令陰谷回陽春羅浮山遠
雲水隔瑤瑤坡前霜月白南枝瀟灑北枝清野草閒花驚
德色蓬萊太守詩夢回霜華點、飛瑤臺玉堂早報消息

好天子又喚調鹽梅

題陳象賢竹素園

君家竹素園異彼篋管谷插架牙籤三萬軸卷藏東觀吞
天祿清風明月時往來紅塵不墮香芸堆科斗鳥跡一以
開懷幽抱密真竒哉炙汗不流珠求重信知龍種皆書種
黃鐘聲徹鳳凰嘯玉杯光燄麒麟動十年不下君子堂燈
火夜靜聲浪、歲寒節操固自常厭看花柳爭春忙金谷
平泉暗烟雨兔麥狐葵無定主何如竹素園簡編且容與
玉振金聲千萬古

寄太素高士

我昔扁舟上耶溪尋君直過丹井西長松月冷啼子規春
風滿地芳草齊樓殿玲瓏金碧涌鐘聲不出松雲重老猿
掬澗山影亂翠禽啄露巖花動此時相見不作難握手笑
上松花壇：下十萬青琅玕空陰漠：常風寒我對青山
論今古青山茫：無一語知其與我忘爾汝石瓢酌我雲
根乳冷然使我肝膽清飄裾欲度浮雲輕千峰回影陷落
日萬壑欲盡松風聲回首溪山忽成別幾見江梅飛白雪
洞庭湖上聽夜雨仲宣樓頭望明月筮：對景傷古情寸

心欲吐書難憑何當相晤一抵掌與君細看真蘭亭

柯博士畫竹

湖州老文久已矣近來墨竹誇二李紛々後學爭奪真畫
竹豈能知竹意奎章學士丹丘生力能與文相抗衡長鱗
大楮盡揮掃高堂六月驚秋聲人傳學士手有竹我知學
士琅玕腹去年長歌下溪谷見我忘形笑淇澳我為愛竹
足不閒十年走徧江南山今日披圖看新畫乃知愛竹亦
如我何當置我於其下竹冠草衣相對坐々嘯清風過長
夏

明上人畫蘭圖

吳興二趙俱已矣雪窓因以專其美不須百畝樹芳菲霜
毫掃遶光風起大花哆唇如笑人小花欵媚如羞春翠影
飄々舞輕浪正色不染湘江塵湘江雨冷暮烟寂欲問三
閨香無迹懶懶不忍讀離騷目極飛雲楚天碧

息齋雙竹圖

李侯畫竹真是竹氣韻不下湖州收墨波翻倒徂徠山筆
鋒移出篔簹谷千竿萬竿清影遠百丈十丈意自足就中
分取一两枝別是山陰瀟灑族疎梢颯々鳳尾顛修幹隱

隱虬龍伏憑軒忽若秋風來坐使傍人脫塵俗我生愛竹
太僻酷十載狂歌問淇澳歸來不得翠琅玕聽雨冷眠溪
上綠而今已斷那時想見景何曾動心目便欲為君真致
之相對空窓慰幽獨

題魏仲遠筠深軒

君家住處多幽趣繞屋琅玕淨無數蕭蕭清韻動天風冉
冉晴陰生綠霧湖山掩映蒼翠稠五月六月涼如秋且開
三迳待佳客祇用千畝論封侯况爾此君高節古縱有雪
霜那可悔平生正直少人知野草閒花徒媚媼知君古意

同古賢脫畧傲笑情翻我生愛竹比君癖擲風沐雨三
十年投老歸來舊溪曲竹色荒涼芳草綠歲寒無以慰孤
懷只有梅花在空谷聞君有竹心違便欲延造君子堂
安能為我羅酒漿月明吹簫呼鳳凰

柯博士竹圖

先生元是丹丘仙迎風一笑春翩琅玕滿腹造化足須
史筆底開渭川我家只在山陰曲脩竹森照溪綠只今
榛莽暗荒烟夢想清風到茅屋今朝看畫心茫坐久忽
覺生清涼夜深明月入高堂吹簫喚來雙鳳凰

題畫蘭卷兼梅花

湘江雲盡湘山青，秋蘭花開秋露零。
三閭已矣喚不起，務猶蕭艾春娉婷。
冷飈吹香散郊垆，山蜂野蝶何營營。
幽人脫畧境色外，竟坐不讀離騷經。
西湖昨夜霜月明，梅花見我殊有情。
逋仙祠前塵土清，老鶴才于如人行。
天邊縹緲來鳳笙，玉壺吳酒顛倒傾。
酒闌興酣拔劍舞，忽覺海日東方生。

劍歌行次韻

先輩匣中三尺水，斬蛟曾入吳潭裏。
提歸未肯策竒勳，軒冕泥塗真戲耳。
雞林削鐵不足比，昆吾百鍊安能齒。
淬花不滢礪，鶻膏掉削却敲鸞。
鳳髓憶昔破敵如破竹，帶霜飛渡柔乾曲。
于今鏽澁混鉛刀，不遇何異荆山玉。
驚雷夜作青龍哭，血痕冷剝苔花綠。
野人一見駭心目，到手撫摩看不足。
雪花皎々明闌干，毛髮凜々肝膽寒。
老軍槩將長慨歎，願欲置諸武庫間。
書生無用且挂壁，引盃時接殷勤歡。
天眼太高俗眼頑，銳錐空許兒曹看。
先生有志不在此，出處每談徐孺子。
清高厭覓萬戶侯，笑引江山歸畫史。
我來四十鬢已斑，學劍學書俱廢弛。
五更聞鷄狂欲起，何事英雄

雄心未已

船上歌

草衣老子霜鬢皤拍手夜唱滄浪歌浮生不信巢穴好賣
屋買船、作家明月滿天、在水別調新歌水中起簫散
可同甫里翁逃名不比鴟夷子大兒船頭學讀書小兒船
尾學釣魚病妻未脫鄉井夢、中猶慮翰官祖前年揚帆
箕子國矯首扶桑看日浴蓬萊可望不可到海浪翻空倒
銀屋去年鼓枻游瀟湘南雲盡山蒼、靈均死處今尚
在使我弔問空悽愴今年來建太湖曲三萬頃波共濯足
玉簫吹散魚龍腥七十二峯青入目脫中袒裸呼巨觥傍
人睥睨笑我狂我狂忘勢亦忘利坐視宇宙昇諸郎君不
見江西年少習商賈能道國朝蒙古語黃金散盡博大官
騎馬歸來傲鄉故今日消磨等塵霧又不見江南富戶多
園田堆積米穀如丘山粉白黛綠列閒屋競習奢侈俱凋
殘今日子女悲饑寒嗚呼噫嘻何如尚志富曷足求貴曷
足恃秦時李斯丞相位漢家韓信封侯貴堂、勲業亘乾
坤赤族須臾無噍類何如老子船上閒朝看白水莫看山
艱險機忘隨處樂願盼老小皆團樂且願殘年飽喫飯眼

底是非都莫管興來移棹過前汀滿船白雪蘆花暎

五馬圖

大僕濟、唐衣冠五馬不着黃金鞍飲流繫樹各有適未
許便作駑駘看鬣鬣蕭蕭綠雲茸噴沫長鳴山嶽動世無
伯樂肉眼癡那識渥洼千里種官家去年搜駿良有馬盡
拘歸監坊遂令天下氣凋喪驢騾駝駟爭騰驤只今康衢
無馬迹得見畫圖差可識畫圖畫圖奈爾何撫几為之三
歎息

吹簫出峽圖

巔崖峭絕撐碧空倒挂老松如老龍奔流落峽噴白雪石
角險過百丈洪我昔放舟從此出牽拖失勢氣欲折春風
回首三十年至今認得山頭月草堂清晨看圖畫裏之
人間似我波濤洶湧都不知橫簫自向船中坐酒壺茶具
船上頭江上滿眼隨處游安得更喚元丹丘相携共上黃
鶴樓

廬山行送行

廬山根盤幾百里屏風九疊開畫圖浮嵐吐秀挹南斗黛
色眇來清湖山西石門翠如刷山東石鏡大如月三梁

倒挂銀河流六月飛花灑寒雪春風錦繡花玲瓏彩雲盤
結摩尼宮涼回紫極竹聲遠紅塵不到金芙蓉我昔曾穿
謝公屐散策曾尋謝公迹微風弄影松檜鳴微雨弄晴瑤
草碧重巒疊嶂烟淒迷剝苔掃碧尋古題興闌回首不知
處落花流水孤猿啼君作廬山遊攬結廬山秀拂拭雙瞳
人細看蓮花漏轉首白雲如雪飛廬山面目非當時歸來
舊事不須問石田水暖菖蒲肥

孤松嘆

孤松倚雲清亭，故老謂是蒼龍精古苔無花護鐵甲五

月忽聽秋風聲幽人恐爾斧斤辱獨傍孤根結茅屋月明
喜看清影搖雪凍却愁梢尾秃昨夜飛霜下南海山林草
木無光彩起來摩挲屋上松顏色如常心不改幽人盤桓
重慷慨此物乃是真棟梁嗚呼既是真棟梁天子何不用
是扶明堂

痛哭行

雨淋日炙四海窮經綸可是真英雄岐豐禾黍泣寒露咸
陽草木來悲風京邦大官飲酒肉村落饑民無粒粟東魯
儒生徒步歸南州野老吞聲哭紛紛紅紫已亂朱古時妾

婦今丈夫有耳何曾聽韶武有舌不喜論詩書昨夜虛雷
槌布鼓中天月破無人補休說城南有韋杜白壁黃金天
尺五

梅花

疎枝錯落花燦爛正似推蓬溪上看凍痕不剝五更霜
蘇色猶存百年輪孤山處士詩夢寒羅浮仙人酒興闌天荒
地老行路難誰傳春色來人間君不見江南物色今匪昔
大谷長林盡荆棘歲寒何處論襟期坐對雲山空歎息東
樓女兒白苧歌西樓美酒喚杏花總有高人愛高潔踏雪

誰宵來山家老我無能慣清苦寫梅種梅千萬樹霜清月
白夜更長每是狂歌不歸去只今潦倒霜髻垂世情襟
俱忘機讀書寫字两眼眇斷白搔墮隨花飛轉首江南隔
塵土白月流光雙鶴舞一聲羗管過南樓鐵石心腸亦淒
楚安得喚起陳元龍長船滿載玻璃紅浩歌拍、隨春風
大醉驚倒江南翁

江南十月天雨霜人間草木不敢芳獨有溪頭老梅樹面
皮如鏡生光芒朔風吹寒珠蕾裂千花萬花開白雪髻鬢
蓬萊羣玉妃夜深下踏瑤臺月銀鐺冷、動清韻海烟不

隔羅浮信相逢共說歲寒盟笑我飄流霜滿鬢君家秋露
白滿缸放懷飲我千百觴興酣脫帽恣盤薄拍手大叫梅
花王五更牕前博山冷么鳳飛鳴酒初醒起來笑抱石丈
人門外白雲三萬頃

朔風吹寒脫繁木石溜潺湲出空谷荒村野居少人行獨
有寒梅照寒渌玉質燦々無纖埃春風不來花自開平生
清若能自守焉肯改色趨樽壘我與梅花頗同調相見相
忘時索笑冰霜歲晚愈精神不比繁華易凋耗長安多少
騎馬即尋芳競集桃李場東家買酒西家嘗引得世間蜂

蝶忙

昔年曾踏西湖路巢居閣上春無數雪晴月白最精神瑪
瑙坡前第三樹虬枝屈鐵交碧苔疎花暝送珠胎初擬
群仙下寥廓瓊瑤玉佩行瑤臺又疑幽人在空谷滿面清
霜鬢華綠迎風冷笑桃花紅紫紛々大粗俗今年來看
秦淮水路隔西湖一千里草堂上是白雲窩夜半松風喚
予起青山隔世無游塵雲根粉壁光如銀長嘯一聲月入
戶孤山處士來相親江南梅花自有主休問當年何水部
山僧對我默無語栢子無風墮青雨

關河雪霽圖為金陵王與道題

飛沙幕人風墮憤老夫倦作關河客歸來松下結草廬卧
聽寒流雪山白悠々如此四十年世情脱略忘間關今晨
見晝忽自省平地咫尺行山川鳥道連雲出天險玉樹瓊
林光閃々陰崖絕壑望欲迷冰花歷落風悽慘枯槎側倒
銀河開三巴春色隨人來漁翁舟子相笑語不覺已過洪
濤堆溪回浦漱石齒々溪上人家成草市長林大谷猿鳥
稀小步蹇驢如凍蟻西望太白日色寒青天削出蛾眉山
人生適意隨所寓底須歷涉窮躋攀明朝攬鏡成白首春

色又歸江上柳何如高堂挂此圖浩歌且醉金陵酒

金陵行送余局官

李白題詩舊遊處桃花楊柳春無數六代衣冠委草萊千
官事業隨烟霧大江西下秦淮流石頭寂寞園荒丘原田
每々盡禾黍青山不掩諸公差高樓如天酒如海觸景令
人生感慨紅墮香愁燕子飛風流王謝今安在我欲去尋
朱雀橋澹烟落日風蕭々交疏結綺杳無跡但見野草生
新苗小兒紛々競豪縱區々割據成何用芙蓉水冷燕支
消千古繁華同一夢傷今弔古如之何頭上歲月空嗟蛇

君行喜有絲五紵宦情不似詩情多江南故事可知否白
雲裏、變蒼狗休論平生錦機手浩歌且醉金陵酒

大醉歌

明月珠不可襦連城壁不可鋪世間所有皆虛無百年光
景駒過隙功名富貴將烏如君不見北邙山石羊石虎排
無數舊時多有帝王墳今日纍、螯孤兔殘碑斷碣為行
路又不見秦漢都百二山河能險固舊時宮闕亘雲霄今
日原田但禾黍古恨新愁迷草樹不如且買葡萄醅携壺
挈榼間往來日、大醉春風臺何用感慨生悲哀

趙千里夜潮圖

去年夜渡西陵關待渡兀立江上灘、頭潮來倒雪屋海
面月出行金盤冰花着人如撒霰過耳斜風快如箭叫霜
鳴雁零亂飛正似今年畫中見寒烟漠、天冥、展玩陡
覺心神清便欲吹簫騎大鯨去看海上三山青

雪麓漁舟圖

大山小山無寸青長江萬里如月明楚天不盡鳥飛絕老
樹欲動風無聲何人方舟順流下草衣箬笠俱瀟灑篷底
有兒能讀書不是尋常釣魚者玄貞子陶朱翁避世逃名

俱已矣後來空自談高風我視功名等塵垢何似忘言付
杯酒武陵豈必皆神仙桃花流水人間有

題夏迪雙松圖

我昔曾上五老峰白雲盡處看青松中有兩樹如飛龍正
與夏迪畫者同夏迪畫松得松趣箇中乃是廊廟具貞固
不時凌雪霜偃蹇猶能吐烟霧蒼髯獵獵如有聲鐵甲半
掩苔花青六月七月炎火生對此似覺形神清丈人兀坐
誠有道豈比商山采芝皓有琴有琴不須彈而今世上知
音少

傷亭戶

清晨度東閨薄暮曹娥宿草床未成眠忽起西隣哭敲門
問野老謂是鹽亭族大兒去采薪投身歸虎腹小兒出起
土衝鬼入鬼錄課額日以增官吏日以酷不為公所幹惟
務私所欲田閔供給盡齷數屢不足前夜總催罵昨日場
胥督今朝分運來鞭笞更殘毒竈下無尺草甕中無粒粟
旦夕不可度久世亦何福夜永聲語冷幽咽向古木天明
風啓門僵屍挂荒屋

冀州道中

我行冀州路默想古帝都水土或匪昔禹貢書亦殊城郭
類村場雨雪苦載塗叢薄聚凍禽狐狸嘯枯株寒雲着我
巾寒風裂我襦盱衡一吐氣凍凌滿鬢鬚程、望烟火道
傍少人居小^米東無得買濁醪無得酤土房桑樹根彷彿似
酒壚徘徊問野老可否借我厨野老欣咲迎近前挽我裾
熱水溫我手火炕暖我軀叮嚀勿洗面洗面破皮膚我知
老意仁緩、驅僕夫切問老何族云是夾世儒自從大朝
東所習亮匪初民人籍征戍悉為弓矢徒縱有好兒孫無
異犬與猪至今成老翁不識一字書典故無所攷禮義何
所拘論及祖父時痛入骨髓餘我聞忽太息執手空躊躇
疇疇向蒼天何時可能甦飲泣不忍言拂袖西南隅

送無咎遊金陵兼柬丁仲容隱居

長松撼空風怒號門前大水推斷橋山中坐雨六十日不
知野草如人高今晨出門天氣好貶眼忽驚春事老楊花
散作雪滿溪送客俄然連懷抱金陵六朝古帝都古時風
景今何如珊瑚無根土花碧露團玉樹生流珠江山無人
隔塵土丹鳳不來孤燕語上人脫灑無滯留抵用登臨重
懷古世人往、乘險機老我白髮無能為道甫問訊丁令

威有鳥有鳥何時歸

送人上燕

燕山三月風和柔海子酒船如畫樓丈夫固有四方志壯
年須作京華游京華名花大似斗看花小兒競奔走蒲萄
漱灑金巨羅羊尾駝峰膩人口知君慷慨非膏梁生銅卧
匣韜光芒出門一笑頗自許光範不用投文章玉霧紅門
天尺五要為蒼生說辛苦得時便覓好官歸行道當依聖
明主我將細釀松花春明年此道遲君遲君不問宦途事
但欲要知伊傳何其人

悲苦行

悲風吹茅墮空屋老烏號鳴屋上木誰家男子從遠征父
母妻孥相送哭，聲嗚咽已別離道傍復對行人悲去者
一心事歸者百感隨前年鬻大女去年賣小兒皆因官稅
迫非以饑所為布衣磨盡草衣拆一冬幸喜無霜雪今年
老小不成群賦稅未知何所出昨夜忽驚雷破山比來暴
雨如飛湍此時江南正六月酸風入骨生苦寒東村西村
無火色凝雲着地如墨黑贖翁罄嫗相喚忙屋漏床，眠
不得開門不敢大聲語門外磨牙多猛虎自來住此十世

餘古老未嘗罹此苦我感此情重歎吁不覺淚下沾裳裾
安得壯士挽天河一洗煩鬱清九區坐令爾輩皆安居

猛虎行

去年江北多飛蚤今日江南多猛虎白日咆哮作隊行人
家不敢開門戶長林大谷風颭，四郊食盡畊田牛殘膏
賸骨委丘壑髑髏嘯而無人收老烏銜腸上枯樹仰天烏
烏為誰訴遁逃茫，不見歸，來又苦無家住老翁老婦
相對哭布被多年不成幅天明起火無粒粟那更打門苛
政酷折髀敗肘無全民我欲具陳難具陳縱使移家向塵

市破獍狻猊喧成群

劫草行

中原地古多劫草節如箭竹花如稻白露灑葉珠離，十
月霜風吹不到萋，不到王孫門青，不蓋讒佞墳游根
直下土百尺枯榮暗抱忠臣魂我問忠臣為何死元是漢
家不降士白骨沉埋戰血深翠光激灑腥風起山南雨晴
蝴蝶飛山北雨冷麒麟悲寸心搖，為誰道，傍可許愁
人知昨夜東風鳴羯鼓髑髏起作搖頭舞寸田尺宅且勿
論金馬銅駝淚如雨

有感

江南古客無寸田半尺破研輸租錢好山好水難魚綠荃
房日薄蒙荒烟囊中斜斗二百年大經大法垂幽玄他人
不知我自憐落花春暮啼杜鵑杜鵑啼苦山竹裂錦官宮
殿烟霏滅人間百鳥無處栖青蠅貝錦成行列北望茫茫
莎草黃葱河五月天雨霜歧陽不見真鳳凰山鷄野鷺爭
文章江南估客苦無計却向水中舉薜荔沙漚夢老蘋雨
殘溼雲不動天如醉回觀蓬萊十二樓我曾讀書樓上頭
樓前平碧千頃秋白露暗洗芙蓉愁歲寒歸來有誰在青

松是兄梅是弟山中巢許不可尋却對老嵇餐石髓

蝦蟆山

春風吹船着牛軛牛軛澤在蝦蟆山下扶桑直上山之脊山上老石
怪且頑皮膚皴散苔花碧我來不知石有名拊摩恠狀心
亦驚野人指點為我說此物迺是蝦蟆精古昔曾偷太倉
粟三百餘年耗中國天官燭其陰有毒勅丁破口劓其足
至今突兀留山丘雨淋日炙無人收樹根穿尻蛇入肚老
鴉啄背狐糞頭牧童時時放野火耕夫
剝自從
殘墮不能行見者唾之聞者罵蝦蟆蝦蟆非令僕無功那

竊天之祿如今蝦蟆處，有天官何不夷其族致令驕氣
吹臊腥干霄上食天眼睛百虫啗盡心未已假作鼓吹怡
人情三月江南春水漲紆青拖紫爭跳浪漁夫持竿不敢
言獵犬布弩空惆悵黃童白叟相引悲田中更有科斗兒

秋夜雨

秋夜雨秋夜雨馬悲草死桑乾路雁啼木落瀟湘浦聲
喚起故鄉情歷歷似與幽人語初來未信鬼啾唧坐久忽
覺神淒楚一時感慨壯心輕百斛蒲萄為誰舉山林豈無
豪放士江湖亦有饑寒旅凝愁擁鼻不成眠燈孤焰短寒

花吐秋夜雨秋夜雨今來古往愁無數謫仙倦作夜郎行
杜陵苦為茅屋賦只今村落屋已無豈但屋漏無乾處凋
餘老稚匍匐走哭聲不出淚如注誰人知有此情苦秋夜
雨秋夜雨赤縣神州皆斥鹵長蛇封豕恣縱橫麟鳳龜龍
失其所畊夫釣叟意何如夢入江南毛髮豎余生聽慣本
無事今乃云胡恠情緒排門四望雲墨黑縱有空言亦何
補秋夜雨秋夜雨何時住我願掃開萬里雲日月光明天
尺五

古時歎

箕子奴而比干死屈原以葬湘江水痛哭書生不見歸朱
董何人呼得起深衣大老為腐儒紉袴小兒稱丈夫學士
時為八風舞將軍日醉千金壺人間赤子若鉗鉞抱麟反
袂空流涕嗚呼噫嘻不有祝鮀之佞宋朝之美難乎免於
今世矣

苦寒作

昨日風寒枯木折今日五更霜似雪河伯泉仙驚恠言凍
殺深潭三尺鼈南海一平行大興五尺之冰千古無珊瑚
樹死日色薄老翁破凍又僵魚鳳凰不出鸚鵡語禿鷲飛
啼血如雨駝馬交馳入不毛瓿盞不憚饑寒苦豺狼夾道
狐兔驕白草萬里蠻烟焦紛々赤子在炮炙三士何緣爭
二桃君不見江南古客頗癡懶養得一雙青白眼

紅梅翠竹山雉圖

游絲冉々游雲暖翠石凝香上花短管絃不動白日遲可
是江南舊亭館湘簾隔竹翠雨濃玉肌醉染臙脂紅文章
羽毛亦自好轉首似覺懷春風去年我過長洲苑落日淡
烟芳草淺滄浪池畔野景生姑蘇臺上離情遠今年放櫂
游西湖西湖景物殊非初黃金白壁盡塵土朱闌玉砌荒

蘼蕪東園寂寞西園靜梧桐葉落銀牀冷十二樓前蛛網
照見畫令人發淚省

偶成

二月江亭野色明楊花飛散雪盈盈
鹽烟半入海氣白風雨忽來溪樹鳴
離思厭聽孤燕語客情無奈亂山青
明朝又上長安道却望咸陽舊帝京

送願上人歸日本

上人住近扶桑國我家亦在蓬萊丘
洪濤逼屋作山立白雲逸牀如水流
問信不知誰是客多時忘却故園秋
明朝

相別思無限萬里海天飛白鷗

送欽上人

石頭城下五更秋高挂雲帆得順流
鐵甕緣江即東府瑤花隔岸是揚州
作家相見本無語在客別離殊有愁
後夜相思好明月老夫乘興獨登樓

偶成

四月八日風雨歇放翁宅前湖水高
典衣沽酒亦足醉騎馬看花徒爾勞
海國尚聞歌蔓草山陵誰與薦櫻桃
元龍本是無能者後世謾稱湖海豪

歸來

頭白歸來驚面生東家西家知我名
友朋投老漸凋落兒女向年俱長成
野梅開花尚古色山風吹雨墮寒聲
最喜溪翁會真率濁酒過牆香滿罌

寄徐仲幾

傲得城樓枕卧龍儲無甌石是英雄
吟詩不媿杜工部乞米或如顏魯公
蘭省異於霄漢上草堂却在畫圖中
故人相見無多論笑指松花落晚風

山中答客問

人間塵土苦歎煩林下清風六月寒
夜半酒醒方脫屐日高眠起不簪冠
坐看遊蟻巡危磴靜聽閒花落古壇
老我自無軒冕意尋常豈是傲時官

題金陵

賞心亭前春草花賞心亭下柳生芽
收功謾說韓擒虎亡國豈由張麗華
江山萬古足登覽豪傑幾人過歎嗟
野老相逢閒指點六朝宮闕盡桑麻

輓吳孟思

雲濤處士老儒林孟思號雲濤善書
書法精明古學深百粵三吳

祢獨步八分一字直千金
桃花關外看紅雨
楊柳堂前坐綠陰
今日宵然忘此景
斷碑殘碣盡傷心

間題前元舊事

樓臺轟帶山河金玉重
是帝家雲合紫駝開
虎帳天連青草入
龍沙春風小殿看
飛燕夜雨重城散
落花甲乙流蘇仙夢好
莫教方士問丹砂

金陵懷避亂作

壞墻幽徑草青青
何處園林是舊京
海氣或生山背雨
江潮不到石頭城
英雄消歇無人語
形勢周遭夕照明
回首

長干思無限
水風楊柳作秋聲

建康層樓

層樓危構出層霄
把酒登臨客恨饒
草色不羞吳地短
雁聲空落楚天遙
江山如畫知豪傑
風月無私慰寂寥
六代繁華在何處
敗紅殘綠野蕭蕭

過昭瑞宮次韻

金屋無人玉殿開
青蒲理沒遍莓苔
舊愁隱隱道烟浪
新恨綿綿入草萊
紅葉已隨流水去
黃門空憶看華來
東南富貴消磨盡
留得荒村古將臺

發古塘

秋風籬落菊花黃滿眼江山似故鄉投老無家真可笑長
年為客尚能狂青苔蝕盡牀頭斂白日消磨鏡裏霜聞道
中州凋弊甚忘機不解說淒涼

謾興

隱几看山與世違當門種竹亦無機五更驟雨隨風過滿
眼落花如雪飛每為註書消夜燭亦常沽酒典春衣今朝
急報任公子昨日蒼苔滿釣磯

白霧黃烟恠百蠻長年不見鶴書還江河萬里歸滄海山

嶺千重走劍關白首詞臣空墮泪青春才子強回頭舊愁
新恨知多少都在閑花野草間

關中險固馮三輔隴右勾連接四川簇簇樓臺懸日月盈
盈花草爛雲烟颺回海上沙飛雪雨足江南水拍天可笑
華山陳處士風流文彩却貪眠

青山隱隱帶灤河金碧光中望馭娑五穀不生羊馬盛二
儀殊候雪霜多打圍陣合穹廬轉警蹕聲傳御駕過漠漠
黃沙天萬里壯心未解說風波

悼止齋王先生

三月燕山聽子規
追思令我淚垂垂
雖然事業能經世
可惜衣冠在此時
霜添晴牕琴獨冷
月明秋水劍雙悲
山河萬里人情別
回首春風說向誰

即事

灤水城頭六月霜
東華門外草皆黃
旌旂影動千官慘
斧鉞光沉萬馬忙
青象不將傳國璽
紫駝只引舊羶房
諸郎不解風塵惡
爭指紅門入建章

白草黃沙野色分
古今愁恨滿乾坤
飛鴻點點來邊塞
寒雪紛紛落薊門
風景淒涼只如此
人情蕭薄復何論
知機

可有秦乾水未入滄溟
早自渾

異鄉

東山西山生白雲
異鄉那忍見殘春
野蒿得雨長過樹
海燕隔花輕笑人
每是閉門踈世事
何曾借酒惱比隣
過從時有相嗔恠
不解潛夫意思真

雨中

江南江北水滔天
羈客相逢亦可憐
坐覺青山沉席底
行驚白浪上窗前
鶉鴝銜草栖危塔
鷗鷺翻飛浴敗船
轉首百蠻寥落甚
絕無茅屋起炊烟

庚辰元旦

試題春帖紀新年
靄青雲起視田
展卷不知山是畫
舉頭恰喜屋如船
梅花雪後開無
數楊柳風前困
欲眠悵望
閔河無限恨
呼兒沽酒且陶然

秋興

萬里山河一局棋
曠懷真感獨傷悲
石麟夜雨生新恨
銅雀春風屬舊時
雪捲流沙馱信遠
天沉遼海鶴書遲
五陵年少俱零落
回首故園空夢思
鼙鼓嘈嘈夜撼山
霓裳歌舞出人間
雲圍環珮沉斜谷
風

欽旌旗入劔關
矍鑠野翁掀雉尾
跳踯山鬼覲龍顏
書生豪放成何事
徒步歸來供奉班

偶成

青山綠水從人愛
野鶴孤雲與我同
所適不須論醜好
相逢謾爾說英雄
樂游花木蕭蕭雨
梓澤亭臺澹澹風
興廢故無今昔異
幾回搔首月明中

都城暮春

繡房香幄紫駝車
隊馬連雲擁醉娥
天上柳花隨處衰
人間春色已無多
風流謾聽黃金縷
慷慨誰知白石歌
江北

江南嘆愁絕落紅如雨打漁簑

金水河春興

神州何處見繁華儘好當時富貴家
慷慨喚來黃字酒丁寧將出紫簾車
春風嫋嫋穿楊柳小雨冥冥度杏花
沉醉歸來不知夜又傳清響按琵琶

金水河邊柳色新玉山館外少沙塵
琵琶未必能愁客鸚鵡如何錯喚人
翠袖錦襜馱白馬落花飛絮闌朱翰
人間天上無多路只隔紅門別是春

三月廿九日夜歐陽省郎適至佳章觀之技癢燈下

卽和但無童子急走送耳

今時自與古時別酒興何如詩興賒
風引白雲歸坐榻雨蒸花氣入牕紗
謾言海上神仙宅不抵江南處士家
有客相過勿多論老夫迂濶是生涯

雜興

蕭蕭白髮滿烏巾不會趨時任客嗔
種菜每令除宿草煮茶常自拾枯薪
屋頭流水澱澱響溪上梅花樹樹春
寄語儒林趙詩伯好收風月作比隣

梅花屋

荒苔叢篠路縈迴，繞澗新栽百樹梅。
花落不隨流水去，鶴歸常帶白雲來。
買山自得居山趣，處世渾無濟世材。
昨夜月明天似洗，嘯歌行上讀書臺。

飯牛翁即煮石道者閒散大夫新除也。山農近日號老村南園種菜時稱呼元章字冕名王姓今年老異於上年鬚髮皆白脚病行不得，不會奔趨，不能諂佞，不會詭詐，不能干祿仕，終日忍饑過畫梅作詩讀書寫字遣興而已。自唱曰：既無知己何必多言呵。

題倪雲林詩後

父子翩翩，孰與儔。雲林清氣逼高秋，牙籤耀日書充屋，彩筆凌烟畫滿樓。既是有尊開北海，豈云無榻下南州。相逢一笑如知己，不必人間萬戶侯。

吳姬曲

吳姬美，遠山澹，橫秋水。玉纖軟，轉綰青絲金鳳攢。花搖翠尾，陽雲移步不動聲。騎馬郎君欲飛起，欲飛起樓上游人鬧如市。

吳姬來，香風未動游塵開。勾玉遲，錦雲重。百花掩媚春徘徊，王孫公子金無限。為君一笑成飛埃，成飛埃珊瑚項。

刻生莓苔

寓意次敬助韻

荆軻上秦殿，鄙生下齊城。斯須屬鼎鑕，何如衛叔卿。脫身
傲萬乘，秦華鴻毛輕。所謂達道人，貴在機決明。
聖賢不浪出處，士匪懷居。孔明是何人，高卧南陽廬躬耕。
良自若，待時故踟蹰。所為梁父吟，豈比封禪書。

寫懷

世情多曲折，客况自堪憐。聽雨愁如海，懷人夜似年。草肥
燕地馬，花老蜀山鶻。冷澹無歸計，蒼苔滿石田。

晚眺

密樹連江暗，殘陽隔浦明。不知秦塞遠，殊覺楚天平。故國
人何在，荒城烏亂鳴。徘徊吟未已，搔首忽傷情。

次韻荅王敬助

西園餘薑蔗，東臯足稻粱。今年誠有望，吾計未全荒。倚杖
停吟久，看雲引興長。隣家新釀熟，同醉菊花旁。

泊瓜洲

落日大江秋，淒涼覺底愁。逆潮攻敗壘，荒樹入沙洲。險固
空餘迹，清平且壯遊。不須腰十萬，明日上揚州。

入蟠嶺

路遠危垣上風高松檜鳴花飛殊失意草長不知名遊客
諂遺俗居民指舊京浮圖天未起瞻望忽傷情

中秋次韻答版太虛

江湖漂泊久髮白不知年世遠人何在天空月自圓山河
清有影草木淨無烟誰恤蒼生苦移憂到酒邊

解悶

家園嗟寂寞客計轉疎迂事失非闕酒身貧不為儒功名
餘破楮風雨漫長途對景成何用高談却壯圖

歸來

歸來人境異故里是他鄉坐閱紅塵過愁多白髮長閑山
雲渺、江漢水茫、世事何多感馮高又夕陽

村居

避世忘時勢茅廬傍小溪灌畦晴抱甕接樹濕封泥乳鹿
依花卧幽禽過竹啼新詩隨處得不用別求題

黃牛山

招提萬山底古屋蔽烟霞寒竹先秋意長藤過夏花繁陰
沉雨脚清響漱雲牙老衲眉如雪相逢話作家

次古詩韻

屠沽慙壯士文繡貴山郎氣習虫魚族風流雁鷺行從時
多俯仰予古獨悲傷無奈連宵雨蝸牛上石床

春晚客懷

落、窮途客年、不在家寄眠聽夜雨借景看春華空着
三山帽難防兩鬢華清晨覽明鏡載咲復咨嗟

齷齪

齷齪寧堪處卑汙奈此逢着人騎白馬喚狗作烏龍濯
河邊柳青、澗底松待看天氣好應得露華濃

瀟灑

漸覺離鄉遠寧知出處迂風流看隊馬瀟灑入雙魚誰解
辭千乘無人說二疎老吾情不慚謾讀古人書

有感

絕國春風少荒村夜雨多可憐新草木不識舊山河世事
紛、異人情轉、訛老懷禁不得悵望一長歌
對鏡添惆悵憑誰論古今山河頻入夢風雨獨關心每念
蒼生苦能憐蕩子吟晚來愁更切青草落花深

謾興

草木何搖撼工商已破家
饒州沉白器勾漏伏丹砂
吳下難移粟江西不運茶
朝廷政寬大應咲井中蛙

壬辰天意別春夏雨冥
雲氣何時歛江聲未得停
書生憐白髮壯士喜青萍
昨夜登西閣悲笳不忍聽

處言離亂紛々覓隱居
山林增氣象城郭轉空虛
俠客思騎虎溪翁只釣魚
諸生已星散那得論詩書

干戈猶未定鞞鼓豈堪聞
憂國心如醉還家夢似雲
関山千里遠吳楚一江分
朋舊俱零落空嗟白鳥群

溼雲垂地重孤雁入天鳴
到處干戈競何時海岱清
孤燈

懸古壁寒漏落空城可羨
商山老優游待太平

寓意三首次敬助韻

森々廊廟具蕭艾成長松
春々川澤靈蛭蚓為游龍
時明在除被世混姑相容
忠義在草莽諛諂分提封
擾々路傍兒仰面慚征鴻

蠻觸雜奔競蠅蚋紛爭喧
鸞鳳巢棘棘鳩鴉集琅玕
風雷久不作野露生微寒
壯士萬里懷肯謝漂母
嗆古來王佐材多在耕釣間

后地生虛雷天驚漏秋雨
女媧死已久此罅誰為補
紛々

讀書兒碌，無可數古人。今人心，今人不如古。

秋懷

悲風度古木，吹我屋上茅。去屋見底風，聲尚蕭。人心一何苦，人情一何驕。却將眼下淚，散作炎上膏。

明月下西窗，窺我席東枕。中夢忽破俄，然轉淒涼。美人天一方，相見猶拾瀟。何時引金壘，開懷笑歌飲。

梅花

江南十月春氣早，慶。梅花當水開。玉笛一聲霜不下，滿天明月鶴飛來。

寒枝錯落凍飛解，隔水清香招得來。午夜風停雪聲小，玉簫吹過楚陽臺。

月明海底夜無烟，恰似西湖雪後天。清氣逼人禁不得，玉簫吹上大樓船。

瘦鐵一枝橫照水，疎花點點耐清寒。雪晴月白孤山下，幾度清香拄杖看。

海雲初破月團圓，獨鶴歸來夜未闌。一片笙簫湖水上，玉妃無語倚闌干。

雲間古寺陸機宅，竹木蕭森鶴不來。惟有溪頭老梅樹，霜

花猶是舊時開

三月東風吹雪消
湖南山色翠如流
一聲羌管無人見
無數梅花落野橋

和靖門前雪作堆
多年積得滿身苔
疎花个个團冰雪
羌笛吹他下下來

馬跡山前萬樹梅
千花萬花如雪開
滿載揚州秋露白
玉簫吹過太湖來

斷雲流水孤山路
看得春風幾樹花
騎鶴歸來城郭是
月明簫管起誰家

墨梅

老僊醉吸墨數斗
吐出梅花个个真
相見莫嫌顏色異
山林別是一般春

我家洗研池邊樹
朵朵花開澹墨痕
不要人誇好顏色
只留清氣滿乾坤

題畫梅

疎花架架照寒水
瑤瑤坡前春獨回
却憶去年風雪裏
吹簫曾掉酒船來

應教題梅

刺：北風吹倒人乾坤無處不沙塵胡兒凍死長城下誰
信江南別有春真蹟云清高只有老梅
樹照水開花个个真

紅梅

夢回思詩不可過赤脚溪頭夜踏冰忽地風來明月動彩
鸞飛出碧雲層

白日遲，照牕戶深院不知春幾許紫簫聲轉香風回陽
簾踏動燕脂雨

十二闌干一院花春風猶憶舊京華翠雲不隔西湖路夢
入咸平處士家

彩鳳穿花啄石苔玉牕瓊戶紫烟開山人不說羅浮夢却
憶玄都觀裏來

桃杏漫山總粗俗舊家池館尚春風道人不作羅浮夢坐
看珊瑚海日紅

玉妃步月影氈：燕罷瑤池酒正酣半夜不知香露冷春
風吹夢過江南

昭陽殿裏醉春風香隔瓊簾映淺紅翠袖擁雲扶不起玉
簫吹過小樓東

西湖水色淨消，正是春風二月天醉後不知雲入屋燕

脂飛雨墮樓船

玉骨清癯怯素粧春風一醉九霞觴綠房午夜嬌雲煖不
夢梨花夢海棠

爛醉西湖處士家酒痕吹上水邊花東風蛺蝶迷香夢一
樹珊瑚月影斜

梅花

面墨已無情豈但心如鐵昨宵疎影橫空山半牕月
明潔衆所忌難與群芳時貞貞歲華晚只有天地知

紅梅

深院春無限香風吹綠綺玉妃清夢醒花雨落胭脂

題鄭所南詩集後

鄭所南胆次不凡文章學問有古人風度不偶于時遂落
魄湖海晚年學佛作詩作畫每寓意焉然其白首南冠磊
磊落落或者有未知也

書竹齋先生詩卷後

是集之傳實先生曾孫滑駱大年之所自也大年端介應
慈儒素自居雲棲乃別號婦王字永貞從大父山樵翁筭
而命之壺彛表率配德警誡無違子三人長居安次居敬
居恭閒習詩禮雍之氣義之間居敬梅之墨妙亦精其尊
人溪園先生博學擅古文辭山樵為忘年交遺稿刊刻深
切于袁溪園嘗輸粟貸貧難義民
旌淑預光祿酒饌采輯諸暨志工費毋溷於人書成大家
贊見其醴醴悉拒絕之捐介若是非義誰何殆若婦王保



右其家世竹齋遺稿輔相克觀厥成行無攸遂賓歿有儀
重山樵十年乃字之得人竹齋襟懷曠絕矯時慢物嘗曰
士生天地間苟不以道德功名顯亦當文翰傳後何得生
無益而歿無聞矣諸孫武昭克能佩服斯訓允諸述作無
不記臆扣之朗然成誦慨古懷今乃復吟咏自若明日鐫
無粟煮不暇論事殊世異幾及百年雲棲相謂興起休烈
尊揚爲簡具載刊置九原可作平生志願酬矣懲勸風刺
措諸言辭之表人得而見矣詩九三卷弁諸首簡誠意伯
青田劉公墓出處詳悉竝載太史金華宋公濂訓導諸暨

張公辰傳中予也與王民居連里巷山樵爲執友行侍席
聽講常多重以溪園文字交好繼之姻親之講往來詳於
見聞高山仰止書成煥乎一新因不辭而書之詩曰心身
愛矣遐不謂矣其斯之謂乎

景泰七年丙子歲二月既望郡人白圭書

居安等謹按外氏家世累膺武功顯擢迨及我外曾太祖
父山農先生由儒發身奕葉相仍一畝之宅清約自處集
義養浩聲利一無動於心具載傳序中俯念吾母祖孝慈
撫諭我兄弟嘗曰我先世竹齋遺藁迨將鐫刻酬我祖父

志願歲月于邁因循何哉幸我堂上垂白之祖昔
祖父山樵先生締交推及是心為之申命於下吾
順承居安日與諸弟居敬居恭校讀刊詳芳
乎其間博散之本因山之高百尋可致
無成揚名顯親徒切于懷久
自勉自題中尚悵悵詩分
永補書板收藏來者時加
當與士君子共之諸男

中秋朔後五日偶過慈義齋書坊見有鈔本
竹齋詩集一冊殘缺不全雜諸亂書堆中其人
初不以是示余一見而異之異其為元三早之集
也元三早係元人善畫梅素問其姓名實不
知世有詩集今始知之且余昔元人集頗富從
未見此集因急收之悵命內於竹齋手為補綴
加以裝池今書為一唯首尾有缺當續求別本
以之元三早人本極多故詩句多重複故不盡錄言之
甚暢小拘之於繩墨間想畫一梅之後必是惜未
錄一見其真迹也 壬申八月八日宣更時後益記



國家圖書館, NATIONAL CENTRAL LIBRARY, TAIWAN, R.O.C

